



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.36. Concilia in Germania.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII. lam ad Principem Carolomannum, quæ
 A.C 742. non amplius extat.

§. XXXVI.

Concilia in Germania.

Carolomannus ut exequeretur, quod
 promiserat, Synodum in Germania
 celebrari iussit; at locus determinatus
 non scitur. Appositus est dies vigesimus
 primus Aprilis anno septingentesimo qua-
 dragesimo secundo, & Carolomannus
 proloquitur; se ex consilio Servorum Dei
 & Aulæ suæ Procerum, Regni sui Episco-
 pos convocasse, nimirum Bonifacium Ar-
 chiepiscopum, Episcopos Burchardum,
 Regenfridum, Vittam, Willibaldum, Da-
 danum & Eddanum cum Presbyteris suis,
 ut se consilio adjuvarent, qua ratione Lex
 Dei & Disciplina Ecclesiastica sub præce-
 dentibus Principibus collapsa restitui pos-
 sent, & caveri, ne populus fidelis a Pseudo-
 presbyteris, sicut superiore tempore fa-
 ctum, decipiatur. Reginfridus seu Rainfre-
 dus erat Episcopus Coloniensis. Willibal-
 dus ille est, quem Roma missum S. Boni-
 facius in autumno anni superioris pri-
 mum Episcopum Eichstädtensem ordina-
 verat, in qua Consecratione ei adstite-
 rant S. Burchardus Herbipolensis & Vizo
 Episcopus Augustanus. Inter Episcopos
 Concilii Germaniæ Vittam erat novus
 Episcopus Buraburgensis, Dadanus Episcopus

To. 6. Conc.
 p. 1534. vit.
 Bon. per
 Othl. lib. 1.
 c. 34.

Carolom. c. I.
 tom. p. 145.

Vita Vileb.
 c. 2. to. 4.
 Act. SS.
 Ben. p. 381.

copus Ultrajectensis, qui Sancto Willebrordo, anno septingentesimo trigesimo nono defuncto septimo Novembris, quod die Ecclesia ejus memoriam honorat, successerat; Eddanus vero erat Episcopus Argenteratensis.

Sæcul. VIII.

A. C. 742.

vit to. 3. Act.

SS. Ben. n.

34. 161. Ma-

bill. Martyr.

R. 7. Nov.

In hoc Concilio sexdecim Canones legimus conditos, quos alii ad septem reducunt. In Canone primo Episcopi a Bonifacio Archiepiscopo, qui Sancti Petri Missus dicitur, constituti confirmantur. Statuitur, ut singulis annis Synodus congregetur, in quo presente Principe Religio Christiana emendetur. Pecuniæ Ecclesiis ablatae restituantur. Presbyteri vel Clerici libidinis crimine notati bonis Ecclesiæ non fruuntur, sed gradu suo dejiciantur, & ad pœnitentiam cogantur. Clerici arma non gestent, non dimicent, in hostem cum exercitu non pergant, nisi illi tantum, qui ad celebranda Missarum Solemnia, & portandas Sanctorum Reliquias electi fuerint. Nempe unus vel duo Episcopi cum Capellanis & Presbyteris suis. Hic primo vox Capellani occurrit. Concilium porro dicit: *Unusquisque Præfectus secum habeat unum Presbyterum, qui confitentes peccata sua judicent, & pœnitentiam indicent. Omnibus Dei Servis, id est, Clericis, interdiciamus venationes, & Silvas vagationes cum canibus. Nec accipitres*

Sæcul. VIII. *pitres aut falcones habeant. Unusquis-*
 A. C. 742. *que Presbyter subiectus sit Episcopo Die-*
 cesano suo, & singulis annis in Quadra-
 gesima rationem & ordinem Ministerii
 sui, sive de Baptismo sive de Fide Catholi-
 ca sive de precibus & ordine Missarum ei-
 dem Episcopo rationem reddat. Quando-
 cunque Episcopus secundum jus Canoni-
 cum circumierit ad confirmandos populos,
 Presbyter cum populo ad suscipiendum
 Episcopum semper præstet. In Cæna Do-
 mini novum Cbrisma ab Episcopo accipiat.
 V. Conc. Sueff. c. 5. *Episcopi & Presbyteri ignoti, undecun-*
que venerint, ad Ministerium Ecclesiasti-
cum ante approbationem Episcopi in Syno-
do non admittantur. Unusquisque Epis-
copus adjuvante Comite sollicitudinem ge-
rat, ut populus Dei omnes Superstitiones
paganorum respuat & abjiciat; nimirum
profana mortuorum Sacrificia, Sortilegos,
Divinos, Phylacteria, Auguria, incanta-
tiones, victimas, quas stulti homines iuxta
Ecclesias ritu paganorum immolant sub
nomine Martyrum & Confessorum; item
illos sacrilegos ignes, quos NIEDFYR vo-
cant, omnesque ejusmodi observationes.
Quisquis Servorum Dei, vel Ancillarum
Christi post hanc Synodum in crimen for-
nicationis lapsus fuerit, in carcere peni-
tentiam agat in pane & aqua. Et si or-
dinatus Presbyter sit, duos annos in car-
cere permaneat, antea flagellis cruentatus.
 Episco-

Episcopus quoque, si visum fuerit, pœnam Sæcul. VIII.
 augeat. Si autem Clericus vel Monachus A. C. 742.
 in hoc peccatum inciderit, post tertiam
 verberationem in carcerem mittatur, &
 uno anno pœnitentiam agat. Similiter
 & Nonnæ velatæ eadem pœnitentia conti-
 neantur, & radantur omnes capilli capi-
 tis earum. Ergo necdum erat consuetu-
 do capillos earum radendi, cum velaren-
 tur. Presbyteri vel Diaconi non sagis
 laicorum more sed casulis utantur. Ergo
 sagum adhucdum vestitus vulgaris Cle-
 ricorum erat. Monachi & Ancillæ Dei
 Regulam S. Benedicti observent. Hic Ca-
 non primus est, quod sciam, qui hanc
 Regulam universalem reddidit. Ve-
 rumtamen consuetudo eandem in plera-
 que Monasteria jam prius induxerat.

Cum ad Zachariam Papam S. Boni-
 facius datis epistolis, quæ in hoc Conci-
 lio acta essent, detulisset, scripsit Ponti-
 fex epistolam universalem ad omnes
 Francos directam, qua Concilium con-
 firmat, & Deo gratias agit, quod falsos
 Presbyteros & Schismaticos homicidas
 & fornicarios a se expulerint. Et sub-
 jungitur: *Qualis Victoria sperari potest,*
ubi Sacerdotes una hora Dominica pertra-
ctant Mystera, & Christianis Corpus Do-
mini porrigunt: deinde eosdem Christia-
nos, quos pascere deberent, aut Paganos,

Sæcul. VIII.
A.C. 742.

quibus Christum prædicare oporteret, propriis sacrilegisque manibus necant? at si mundos & castos ab omni fornicatione & homicidio liberos habueritis Sacerdotes, & Bonifacio Fratri nostro, qui nostra vice apud vos prædicat, in omnibus obedientes extiteritis, corruent ante faciem vestram omnes paganæ gentes, & omnium Victores insuper vitam æternam possidebitis.

§. XXXVII.

Epistola S. Bonifacii ad Cutbertum.

Bonif. epist. Sub idem tempus cum quidam Diaconus nomine Cunebertus S. Bonifacio litteras & dona a Cutberto Archiepiscopo Cantuariensi attulisset, in Responsoria de celebrato Concilio certiores facit. *Quod non ideo tibi communitio, ait, quasi Canones a rusticitate nostra profecti tibi prodesse possent, sed ut, si quid erratum, corrigas.* Tum Decreta Concilii summatim refert, & addit sequentia, quæ in Canonibus ipsis non leguntur: *Professi sumus, nos, quoad spiritus artus reget, Fidem Catholicam servaturos, promissimus concordiam & Subjectionem Ecclesie Romanæ, atque Metropolitanas Pallium a Sacra Sede petituros. Huic statuto omnes subscripsimus, & Romam misimus, quod etiam Papæ & Clericis placuit.*
Decre-

105. tom. 6.
Conc. pag.
1565.